

四庫全書

史部

欽定四庫全書

史部
史通通釋卷三
四

詳校官編修臣錢樾

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣劉國永

欽定四庫全書

史通通釋卷三

無錫浦起龍撰

內篇

表歷

第七。表以世系年月為行次故曰歷

蓋譜之建名起於周代

一作氏

表之所作因譜象形故桓

君山有云太史公三代世表旁行邪

通斜

上並效周譜此

其證歟釋

首原表所由起與其格式

夫以表為文用述時事施彼譜

牒

舊本作歷

容或可取載諸史傳未見其宜何則易以六文

窮變化經

春秋

以一字成褒貶傳包五始詩含六義故知

文尚簡要語惡煩蕪何必歎曲重沓方稱周備

此節提

史家不觀

一作睹

馬遷史記則不然矣

一作夫屬下句

天子有本

紀諸侯有世家公卿以下有列傳至於祖孫昭穆年月

職官各在其篇具有其說用相考覈居然可知而重列

之以表成其煩費豈非謬乎

此層貼到遷史申說上意

且表次在

篇第編諸卷軸得之不為益失之不為損用使讀者莫

不先看本記越至世家表在

一有乎字

其間緘而不視語其

無用可勝道哉釋

此層就編次言嫌其夾置本紀世家之間觀者往往越過

既而班

東二史

原注東謂東觀漢記

各相祖述迷而不悟無異逐狂釋

通

後史效之勒住○已下疏論

必曲為銓擇強加引進則列國年表或

可存焉何者當春秋戰國之時天下無主羣雄錯峙各

自年世若申之於表以統其時則諸國分年一時盡見

如兩漢御歷四海成家公卿既為臣子王侯才比郡縣

何用表其年數以別於天子者哉釋

此節疏言史記所綜在列國時代則

可用之至一統之世則不必有

又有甚於斯者異哉班氏之人表也區

別九品網羅千載論世則異時語姓則他族自可方以
類聚物以羣分使善惡相從先後為次何藉而為表乎
且其書上自庖犧下窮嬴氏不言漢事而編入漢書鳩
居鵲巢薦施松上附生疣贅不知翦截何斷而為限乎
一脫釋此又摘出班史中人至法盛書載中興改表為

乎字表如一駁真屬可怪注名目雖巧蕪累亦多釋言他史改其目亦無謂當晉氏播遷南

據揚越魏宗勃起北雄燕代其間諸僞十有六家不附

正朔自相君長一作臣崔鴻著表頗有甄明比於史漢羣

篇其要為切者矣釋

此推到東晉諸寇國分土裂宜用之然則唐修晉書不為十六國立

表亦闕典也

若諸子小說編年雜記如韋昭洞紀陶弘景帝

代年歷

舊作帝王歷

皆因表而作用成其書既非國史之流

故存而不述釋

末以表代單行之書結之

按表自三國而下暨乎南北朝皆無之

後漢書初亦無表宋熊方

補入今本既有故斷自三國言之

劉氏謂分國時可有一統時不必

有故是酌分寸刊枝葉之言然亦難以概後世矣揆之史法叅以時宜親若宗房貴如宰執傳有所不登

名未可竟沒胥以表括之亦嚴密得中之一道哉歸
安吳提學大受言國史有表似煩文實省文。外篇
雜說云觀太史公之創表也燕越萬里而徑寸之內
天牙可接昭穆九代而方尺之中雁行有序使讀者
舉目可詳郭評據此以駁茲篇良是大抵內外篇非
出一時互有未定之說兩存叅取折衷用之不為無
助。近時四明萬季犛氏補作歷代史表六十卷論
者推為史氏功臣云

桓君山

後漢桓譚傳譚字君山沛國相人世祖即位徵待詔會議靈臺所處帝曰吾欲識決之譚

極言識之非經帝怒出為六安郡丞初譚著書二十九篇號曰新論

周譜

史記十二諸侯年表叙云太史公讀春秋歷譜牒梁書劉杳傳王僧孺被勅撰譜訪杳血脉所

因杳云桓譚新論云三代世表旁行邪上並效周譜以此而推當起周代按歐陽五代諸世家名譜本此

六義五始

六義見子夏詩序○五始公羊隱元注即位者一國之始政莫先於正始故先言正

月而後言即位先言王而後言正月先言春而後言王先言元而後言春五者同日並見乃天人之大本

疏大正始是以春秋作五始

法盛

唐藝文志何法盛晉中興書八十卷

諸僞十六家

詳見外篇正史篇崔鴻十六國春秋條

韋昭洞紀

韋昭即韋曜吳志曜傳孫皓收曜付獄曜因獄吏上辭曰愚情縷縷竊有所懷貪令

上聞昔見世間有古歷注其所紀載既多虛無在書籍者亦復錯見因尋按傳紀考合異同采摭耳目所及以作洞紀起自庖犧至於秦漢凡為三卷當起黃武以來別作一卷事尚未成

帝代年歷

南史隱逸傳陶弘景字通明秣陵人明五行星算地理鑿術著帝代年歷推知漢熹

平三年丁丑冬至時加在日中而天實以乙亥冬至如時在夜半凡差三十八刻是漢歷後天二日十二刻也卒謚貞白先生通志畧作帝王年歷

書志

第八。序論論天文論藝文論五行後論。五項舊注未協本非原文今刊正

夫刑法禮樂風土山川求諸文籍出於三禮及班馬著

史別裁書志考其所記多效禮經且紀一譌傳之外有

所不盡隻字片文於斯備錄語其通博信作者之淵海

也釋統提書志之該博以發端原夫司馬遷曰書班固曰志蔡邕曰

意舊作東觀華嶠曰典張勃曰錄何法盛曰說按歐陽

日記又考名目雖異體統不殊亦猶楚謂之一無檮杌晉謂

之乘魯謂之春秋其義一也釋一層書志名於其編目

次舊作則有前曰平準史記後云食貨漢書古號河渠史記

中今稱溝洫漢書改名析郊祀漢書中名爲宗廟後漢有此篇名然非總類名

分禮樂漢書中名爲威儀隋志之禮名禮儀懸象魏書作天象出於天文

漢書中初名郡國後漢改名生於地理漢書中初名如斯變革不可勝

計或名非而物是或小異而大同但作者愛奇恥於仍

舊必尋源討本其歸一揆也釋一層志中條目若乃五

行藝文班補子長之闕八書中無此也百官興服謝謝承拾孟堅

之遺班有百官無輿服也王隱後來加以瑞異隱書無考新晉書刪去宋書有符瑞

魏收晚進弘以釋老魏志末篇斯則自我作故出乎宵臆求

諸歷代不過一二者焉釋

一層後來志目漸有增加。已上三層為一大節蓋緣諸

史中獨書志一門命名條目折補日多故特數而出之

大抵志之為篇其流十五

六家而已釋

二句轉遞

其間則有妄入編次虛張部帙而積

習已久不悟其非釋

四語龍起中幅三條

亦有事應可書宜別標

一有篇字題而古來作者曾未覺察釋

四語龍起後尾一條

今略陳其

義列於下云

此下或注已上總序或注書志序皆非原文可刪也中後同

按此為序論序中含議推美該備之意居多後乃籠

下之辭也

曰書曰志六句

按此六句鄭氏通志略兩引之一在總序則東觀句作蔡邕曰意一在起

卷之首則蔡邕句又作東觀曰記緣知迪功家所藏史通有二本兩時採用隨手檢錄遂異其文也但東觀漢記一書總名而此論書志乃一門之名不得以總名混之畢竟作蔡邕句為是今用總序篇文刊正之

夫兩曜百星麗於玄象非如九州萬國廢置無恒故海

田可變而景緯無易古之天猶今之天也今之天即古

之天也必欲刊之國史施於何代不可也釋首節函舉大意天字

指體度但史記包括所及區域指世綿長故書有天官

星象言

讀者竟忘其誤權而為論未見其宜班固因循復以天文作志志無漢事而隸入漢書尋篇考限覩其乖越者矣降及有晉迄於隋氏或地止一隅或年才二世而彼

蒼列志其篇倍多流宕忘歸不知紀極方於漢史又孟

堅之罪人也

釋此節言史記之作該代甚廣故首列天體星象之文班史不應襲書而越限而

小朝促祚尤無取鋪張也

竊以國史所書宜述當時之事必為志而

論天象也但載其時彗孛氛祲薄食晦明裨竈梓慎之

所占京房李邵之所候至如

一作於

熒惑退舍宋公延齡

中台告圻晉相速禍星集潁川而賢人聚月犯少微而

處士亡如斯之類志之可也釋此言天變代異乃可斷限志之若乃體

分濛瀨色著青蒼丹曦

日素魄也

之躔次黃道

日作紫

宮

紫微垣

之分野既不預於人事輒編之於策書故曰刊

之國史施於何代不可也

釋繳應復陳體象之非

其間唯有袁山

松

著後漢書

沈約著宋書

蕭子顯

著南齊書

魏收

著魏書

等數家頗覺

其非不遵舊例凡所記錄多合事宜寸有所長賢於班

馬遠矣

釋四人皆專志本朝象變者

按此條就書志中抽出天文論之所論非謂歷數也
謂日月列星之象也日之黃道月之九行千古不變
三垣之鼎立四七之碁布亦千古不變見之一史足
矣何必凡史悉陳但當取其變者志之劉氏之意如
此然歷術屢更而宮度改移宮名革易亦未可不約
舉其目○蓋爲晉隋二志而發二志成於李淳風標
著懸象最爲精整然所列天體經星七曜諸條二書
兩載修既並時復由一手以此蒙誚也顧此事愈推

而愈精近法推尊郭術矣至西法起而體象俱爲改

觀

西術言三垣四七間諸星有古今多少有無見端之異則恒星亦有變時矣詳見明史天文志

於晚明而大闡於

昭代乃爲千古立極是其發端表象有不可不特書者

裨竈梓慎

注見下五行條

京房

漢書京房字君明治易事焦延壽贛其說長於災變分六十四卦更直日用事以風雨寒溫爲

候各有占驗房用之尤精呂孝廉爲郎

李邵

後漢方術傳李邵字孟節南鄭人縣召署幕門候吏和帝分遣使者微服單行各至州縣觀採

風謠使者二人當到益部投郤侯舍時夏夕露坐郤因仰觀問曰二君發京師時寧知朝廷遣二使耶二人驚相視曰何以知之郤指星示云

有二使星向益州分野故知之耳

有榮惑退舍呂氏春秋季夏紀宋景公時榮惑在心公

相公曰相所與治國家也曰可移於民公曰民死寡人將誰為君曰可移於歲公曰歲害則民必死誰以我為君乎子韋曰君有至德之言三天必三賞君榮惑其徙三舍舍行七星星當一年君延年二十一矣

榮惑果徙三舍

中台告圻

晉書張華傳華字茂先惠帝即位為太子少傅初趙王倫誣事賈后求錄尚書事華

執不可由是致怨華少子璉以中台星圻勸華遜位華曰天道玄遠惟修德以應之耳及倫將廢賈后華

欽定四庫全書

史通
卷三

收
遂被

星集潁川

世說德行篇陳太丘詣荀朗陵使元方將車季方持杖長文尚小載著車中既至荀

亦使叔慈應門慈明行酒餘六龍下食文若亦小坐著鄒前注於時德星聚太史奏五百里賢人聚

月犯少微

世說樓逸注續晉陽秋曰會稽謝敷入太平山中徵博士不就初月犯少微星時戴

逵先敷著名時人憂之俄而敷死會稽人士嘲之曰吳中高士求死不得晉天文志少微四星在太微東

一名處
士星

伏羲已降文籍始備運於戰國其書五車傳之無窮是曰不朽夫古之所制我有何力而班漢定其流別編為

藝文志論其妄載事等上篇釋

藝文之志始自班史故首言之

續漢已

還祖述不暇夫前志已錄而後志仍書篇目如舊頻頻

互出何異以水濟水誰能飲之者乎釋

遞到後史西下隋書

且漢

書之志天文藝文也蓋欲廣列篇名示存書體而已文

字既少披閱易周故雖乖節文而未甚穢累既而後來

繼述其流日廣天文則星占月會渾圖

渾天周髀蓋

之流

藝文則四部七錄中經秘閣之輩莫不各踰三篋自成

一家史臣所書宜其輟簡而近世有著隋書者乃廣包

衆作勒成二志騁其繇富百倍前修非唯循覆車而重

軌亦復加濶眉以半額者矣釋

此言書益增多史益汗漫用天文陪說

但

自史之立志非復一門其理有不安多從沿革唯藝文

一體古今是同詳求厥義未見其可愚謂凡撰志者宜

除此篇釋

此節單折到除藝文

必不能去當變其體近者宋孝王

闕東風俗傳亦有墳籍志其所錄皆鄴下文儒之士儻

校之司所列書名唯取當時撰者習茲楷則庶免譏嫌

語曰雖有絲麻無棄菅蒯於宋生得之矣釋

結到單錄近籍為是

按此條抽論藝文也為文史日多而發與天文同旨
故雙舉言之蓋藝文之志始自漢班固谷氏燼爇照
藪殘有幸心焉陳范以還斯志中絕唐初勅撰隋書
于李顏孔分編史志復有經籍之目故篇內所指唯
此兩家其言有砥澗之功亦有懲嗜之弊○書有五
厄里仁牛氏三致志焉宋崇文秘省諸目仍登國史
而明史則祇載一朝撰述毋亦儀監於史通抑煩不
勝叢錄乎自邇學士購藏家往往私為目錄繼軌晁

陳藉是以當史補續通考者所宜亟收也

五車

莊子天下篇惠施多方其書五車

四部

隋經籍志魏氏代漢采摭遺亡藏在秘書中外三閣鄭默始著中經荀勗又因中經更著新簿

分為四部一曰甲部六藝小學等書二曰乙部諸子兵書術數三曰景部史記舊事皇覽部雜事四曰丁

部詩賦圖讚汲冢書

七錄

梁書處士傳阮孝緒字士宗所著七錄等書行於世隋經籍志孝緒博采宋齊以來王公之家

凡有書記叅校官簿更為七錄一經典錄二記傳錄三子兵錄四文集錄五技術錄六佛錄七道錄

潤眉半額

後漢書馬援子廖上疏長樂宮述長安語曰城中好高髻四方高一尺城中好廣眉

四方且半額城中好大袖四方全匹帛章懷注當時謗也

宋孝王

北史宋隱傳族裔世景從孫孝王為北平王文學非毀朝士撰朝士別錄二十卷會周武

滅齊改為關東風俗傳更廣見聞成三十卷

雖有絲麻二句

見左傳成九年

夫灾祥之作以表吉凶此理昭昭不易誣也然則麒麟

鬪而日月蝕鯨鯢死而彗星出河變應於千年山崩由

於朽壤又語曰太歲在酉

舊作丑誤

乞漿得酒太歲在己販

妻鬻子

皆貼氣數說

則知吉凶遞代如盈縮循環此乃闕諸

天道不復繫乎人事

釋首節領起天人不相離繫之意

且周王決疑龜

焦著折宋皇誓衆竿壞幡亡梟止涼

一作梁一師之營作京並非

鵬集賈生之舍斯皆妖災著象而福祿來鍾愚智不能

知晦明莫之測也然而古之國史聞異則書未必皆審

其休咎詳其美惡也故諸侯相赴有異不為灾見於春

秋其事非一釋

此節申舉休咎不相符應之證

洎漢興儒者乃考洪範

以釋陰陽釋

三句提起後文蓋指董劉等書即五行志所本也

其事也如江璧

傳於鄭客

一作谷誤

遠應始皇卧柳植於上林近符宣帝門

樞白髮元后之祥桂樹

一作梓柱

黃雀新都之讖舉夫一二

良有可稱釋

欲奪之先予之是開筆

至於蜚蜮蜾蠃食崩圯隕

霜雨雹大水無冰其所證明實皆迂濶釋

數語急轉是正奪之

故

當春秋之世其在於魯也如有旱雩舛候螟螣傷苗之

屬是時或秦人歸穰或毛伯賜命或滕邾入朝或晉楚

來聘皆持此恒事應彼咎徵昊

或作昊

穹垂謫厥罰安在

探蹟索隱其可略諸釋

此以咎徵無應證明所奪之指其可畧諸者不必附會深求也

且史之記載難以周悉近者宋氏年唯五紀地止江淮

書滿百篇號為鯨富作者猶廣之以拾遺加之以語錄
况彼春秋之所記也二百四十年行事夷夏之國盡書

而經傳集解

杜預注本

卷才三十則知其言

一無言字

所略蓋亦

多矣而漢代儒者羅災青於二百年外討符會於三十

卷中安知事有不應於人應而人

舊作人而

失其事何得苟

有變而必知其兆者哉釋

借劉宋近書與左相衡見狹者鯨而濶者簡舒向輩執簡

本以窮天變考證於漏略之中勢有難於悉協者。自其事也至此皆約舉五行家大致統折之已下拈條摘

駁

若乃採前文而改易其說謂王札子之作亂在彼成

年

原注春秋成公元年二月無冰董仲舒以為其時王札子殺召伯毛伯案今春秋經札子殺毛伯事在宣

十五年非成公時。在夏徵舒之構逆當夫昭代春秋

志中下又見五行雜駁

昭公九年陳災董仲舒以為楚嚴王為陳討夏徵舒因滅陳陳之臣子毒恨故致火災案楚嚴王之滅陳在宣

十一年如昭九年所滅者乃楚靈王時且莊王卒恭王立恭王卒康王立康王卒夾教立夾教卒靈王立相去

凡五世。在志之楚嚴作霸荆國始僭稱王

原注春秋上亦見五行雜駁

日有食之既京房易傳以為後楚嚴稱王兼地千里案自武王始僭號歷文成穆三王始至於嚴然則楚之稱王已四世矣何得言嚴始稱哉又魯桓薨後世歷嚴閔

王已四世矣何得言嚴始稱哉又魯桓薨後世歷嚴閔

釐文宣凡五君而楚嚴作霸安有桓三年日食而應之

邪。在志下高宗諒陰亳都實生桑穀

原注書序曰亦見五行雜駁

毫有桑穀共生劉向以為殷道衰高宗承弊而起盡諒陰之哀天下應之既獲顯榮急於政事而國將危亡故桑穀之異見於太戊崩其後嗣有仲丁河亶甲祖乙盤庚凡歷五世始至武丁即高宗是也桑穀自太戊時生非高宗事高宗又本不都於毫。在志中

晉悼臨國六

下書序曰舊作尚書脫序字今照志改

卿專政以君事臣

原注董仲舒以為成公十七年六月甲戌朔日有食之時宿在畢晉國象

也晉厲公誅四大夫欲殺厲公後莫敢責大夫六卿遂相與比周專晉國君還事之案春秋成公十二年

月丁巳朔日食非是六月。在志下下亦見五行雜駁但此一占志作昭公注作成公誤在注而晉厲事本在

成世不在昭世誤實在班至案中所糾只糾月舛魯僖不糾占舛則更因誤入誤矣留在雜駁篇并詳之

末年三桓世官殺嫡立庶

原注春秋釐公三十三年十一月隕霜不殺草劉向以為

是時公子遂專權三桓始世官向又曰嗣君微失秉事之象也又釐公二十九年秋大雨雹劉向以為釐公末年信用公子遂專權自恣至於殺君故陰脅陽之象見釐公不悟遂終專權後二年穀子赤立宣公案此事乃文公末世不是釐公時也遂即東門襄仲赤文公太子即惡也。在志中下斯皆不憑章句

直取胸懷或以前為後以虛為實移的就箭曲取相諧掩耳盜鐘自云無覺詎知後生可畏來者難誣者邪釋

此段駁其任意遷就又品藻羣流題目庶類謂莒為大國菽為強

草鷺著青

一作素

色

疑脫偶句四字

負蟄非中國之虫

原注春秋嚴公二十

九年有蜃劉歆以為蜃負蟄也劉向以為非中國所有南越盛暑男女同川浴淫風所生是時嚴公取齊淫女

為夫人既入淫於兩叔故璽至案負鵲鸛為夷狄之中國所生不獨出南越○在志中下

鳥原注春秋昭公二十五年鸛鵲來巢劉向以為夷狄之禽案鸛鵲中國皆有唯不踰濟水耳事見周官○

在志如下如斯詭妄不可殫論而班固就加纂次曾靡銓擇

因以五行編而為志不亦惑乎釋此段駁其狀物不實且每有叙一

災推一怪董京之說前後相反向歆之解父子不同原注

桓公三年日有食之董仲舒劉向以為魯宋殺君易許田劉歆以為晉曲沃莊伯殺晉侯京房以為後楚嚴稱

王兼地千里也又嚴公七年夜中星隕如雨劉向以為夜中者即中國也劉歆以為畫象中國夜象夷狄劉向

又以為蜮生南越劉歆以為盛暑蜮所生非自越來也○按桓公三年一條舊本在董京相反之下今詳條內

亦有向歆不同之語故移而并之又按劉向又以之上當有嚴公十七年秋有蜮八字今補此遂乃雙

載其文兩存厥理言無準的事益煩費豈所謂撮其機

要收彼菁華者哉釋

此段駁其占論岐迺。統上三段皆是正斥五行志之不足泥自

漢中興已還迄於宋齊其間司馬彪

續漢書

臧榮緒

晉書沈

約

宋書

蕭子顯

齊書

相承載筆競志五行雖未能盡善而大

較多實何者如彪之徒皆自以名慙漢儒才劣班史凡

所辯論務守常途既動遵繩墨故理絕河漢兼以古書

從略求徵應者難該近史尚繇考祥符者易治此昔人

欽定四庫全書

史記卷三

所以言有乖越後進所以事反

一作譌

精審也釋

後史之志五行

差少穿鑿此以寬後史者甚班志也

然則天道遼遠裨竈焉知日蝕不常

文伯所對至如梓慎之占星象趙達之明風角單颺識

魏祚於黃龍董養徵晉亂於蒼鳥

一作驚

斯皆華彰先覺

取驗將來言必有中語無虛發苟誌之竹帛其誰曰不然若乃前事已往後來追證課彼虛說成此游詞多見

其老生常談徒煩翰墨者矣釋

此節數人皆非作史者蓋以前事先見之明別

彼後來強附之詞仍

子曰蓋有不知而作之者我無是

也又曰君子於其所不知蓋闕如也又曰知之爲知之

不知爲不知是知

或作智

也嗚呼世之作者其鑒之哉談

何容易馬不及舌無爲強著一書

一作言

受嗤千載也釋

作識
辭結

按此條抽論班志五行也漢自廣川董氏湛深經術

頗雜緯書伏勝更生後起應和率取春秋洪範影附

黏連其流益蕃矣世祖中興喜徵符讖孟堅撰史特

志五行亦會逢其適歟其文博而奧其說臆而膠蓋

史部之奇文而經學之死句也劉論明通與歐史司
天合契可作外篇錯誤題辭○杜岐公通典無二文
五行門遼史不志天文

麟鬪鯨死二語見淮南子天文訓

河變

拾遺記丹正千年一
燒黃河千年一清

山崩

左傳成五梁山崩絳
人曰山有朽壤而崩

太歲在酉四句

馬總意林袁雅正書曰太歲在酉乞
祭得酒太歲在巳販妻鬻子知災有

自然
之理

周王決疑

說苑權謀篇武王伐紂至於有戎之隧大雨卜而龜燬散宜生曰此其妖歟武王曰

不利禱祀利以擊衆是燬之已武王順天地犯妖而禽紂其所獨見者精也按其事亦見齊太公世家書泰誓正義引之云周本紀太公曰枯骨朽著不踰人矣誤以齊世家為周本紀也

宋皇誓衆

宋武紀上公征盧循至左里公所執麾竿折折旂沈水衆懼公歡笑曰往年覆舟之

戰牆竿亦折今者復然賊必破矣即攻柵而進循單舸走

臬止涼營

晉前涼張軌傳重華以謝艾為中堅將軍配步騎五千擊麻秋引師出振武夜有二

臬鳴於牙中艾曰六博得臬者勝尅敵之兆於是進戰大破之

鵬集賈舍

漢書賈誼為長沙傳三年有鵬飛入誼舍鵬似鴉不祥鳥也迺為賦吕自廣後歲餘

欽定四庫全書

卷三

文帝恩
誼徽之

江璧

漢五行志中上史記秦始皇三十六年鄭客從闕東來至華陰望見素車白馬從華山上下持

鐔與客曰為我遺漚池君今年祖龍死忽不見鄭客奉璧即始皇二十八年過江所湛璧也

柳植

荀悅漢紀昭帝元鳳三年上林苑中枯柳斷立自起復生有蟲食其葉成文曰公孫病已當立

符節令睦弘上書言當有匹庶興坐妖言誅及宣帝起民間立以弘子為郎按宣帝初名病已

門樞白髮

漢五行志下上哀帝建平四年京師郡國民聚會里巷阡陌博具歌舞祠西王母又

傳書曰母告百姓佩此書者不死不信視門樞下當有白髮杜鄴曰外家丁傳並侍惟惺指象以覺聖朝

一曰此異乃王
太后弄之應

桂樹黃雀

武帝時謠邪徑敗良田讒口亂善人桂樹華不實黃雀巢其顛故為人所羨今為人

所憐郭茂倩注桂赤色漢家象王莽自謂黃也見五行志

春秋恒事應咎徵

秦人歸遂在文十二毛伯錫命在文元滕朝魯者五邾七晉聘魯十

一楚三皆所謂恒事也其間災咎不絕書

宋氏百篇

沈約宋書九一百卷

拾遺語錄

隋志宋拾遺十卷梁少府卿謝綽撰鄭樵藝文略宋齊語錄十卷孔思尚撰

移的盜鐘

移的句未詳所本淮南說山范氏之敗有竊其鐘負而走者鎡然有聲懼人聞之遽

掩其耳憎人聞之可也自掩其耳悖矣

後生可畏二句

見魏文帝與吳質書

裨竈

左傳昭十七有星孛於大辰鄭裨竈曰宋衛陳鄭將同曰火若我用瓘斚玉瓚鄭必不火于產

弗與十八年夏宋衛陳鄭皆火裨竈曰不用吾言鄭又將火于產曰天道遠人道邇竈焉知天道遂不與亦不復火

文伯

左傳昭七夏四月日有食之士文伯曰魯衛惡之衛大魯小其大咎其衛君乎魯將上卿八月

衛襄公卒十一月季武子卒晉侯曰日食從矣可常乎對曰同始異終何可常也

梓慎

左傳昭十七冬有星孛於大辰西及漢申須曰諸侯其有火災乎梓慎曰火出而見今茲火出

而章必火入而伏其居火也久矣火出於夏為三月於商為四月於周為五月夏數得天若火作其四國

當之在宋
衛陳鄭乎

趙達

吳志趙達河南人渡江治九宮一算之術此術
微妙頭乘尾除常笑諸星氣風術者曰當迴算

惟幕不出戶牖以知天道而反
晝夜暴露以望氣祥不亦難乎

單颺

後漢方術傳單颺字武宣善明天官算術熹平
末黃龍見譙橋玄問何祥颺曰其國當有王者

興不及五十年龍當復見魏郡人殷登密記之
至建安二十五年春黃龍復見譙具冬魏受禪

董養

晉隱逸傳董養字仲道到洛下楊后廢因游太
學升堂歎曰建斯堂也何爲乎人理滅大亂作

矣永嘉中洛城東北步廣里地陷有二鷺出其蒼者
飛去白者不能飛養聞歎曰昔周時盟狄泉地也蒼
者胡象白者國家之象其可盡言乎乃與妻荷
擔入蜀莫知所終哀江南賦出狄泉之蒼鳥

或以為天文藝文雖非漢書所宜取而可一作有廣聞見

難為刪削也對曰苟事非其限而越理成舊譌作來來成二字行草

也相類書自可觸類而長於何不錄又有要於此者今可

得而言焉釋皆非質言也解在後二項夫圓首方足一作趾

含靈受氣吉凶形於相兒古貌字貴賤彰於骨法生人之

所欲知也四支六府痼瘵所纏苟詳其孔穴則砭灼無

誤此養生之尤急也且身名並列身謂人形名謂天象親踈自明

豈可近昧形骸而遠求辰象既天文有志何不為人形

志乎

釋

固天行人是一項然技

茫茫九州言語各異大

漢

依班史所稱

輜軒之使譯導而通足以驗風俗之不同示

皇威之廣被且事當矣運尤相關涉爾雅釋物非無往

例既藝文有志何不為方言志乎

釋

固文衍言是一項然鄙語豈反重於

經籍

但班固綴孫卿之詞以序刑法探孟軻之語用裁

食貨五行出劉向洪範藝文取劉歆七略因人成事其

目遂多至若許負相經揚雄方言並當時所重見傳流

俗若加以二志幸有其書何獨舍諸深所未曉釋

此節是輕

掉之文蓋言彼二項當志則此二項亦可志矣歷觀衆史諸志列名或前略而

後詳或古無而今有雖遞補所闕各自以為工權而論

之皆未得其最釋

此節乃繳落前文轉入下文謂前所云云日增日多實皆不必也唯下三

項或可補耳蓋可以為志者其道有三焉一曰都邑志二曰

氏族志三曰方物志釋

三項提綱

何者京邑翼翼四方是則

千門萬戶

長安

兆庶仰其威神虎踞龍蟠

建都

帝王表其尊

極兼復土堦卑室好約者所以安人阿房未央窮奢者

由其敗國此則其惡可以誠世其善可以勸後者也且

宮闕制度朝廷軌儀前王所為後王取則故齊府高肇

建誦魏都以立宮代國

元魏初國號代

初遷寫吳京而樹闕故

知經始之義卜揆之功經百王而不易無一日而可廢

也至如

一作於

兩漢之都咸洛

咸陽洛陽

晉宋之宅金陵魏徙

伊瀍齊居漳滏

鄴都

隋氏二世分置兩都此並規模宏遠

名號非一凡為國史者宜各撰都邑志列於輿服之上

釋

此節議補都邑志與輿服類列

金石草木縞紵絲枲之流鳥獸蟲魚

齒革羽毛之類或百蠻攸稅或萬國是供夏書則編於

欽定四庫全書

史通通釋
卷三

三十三

禹貢周書則託於王會亦有圖形九牧之鼎

左宣列狀三年

四荒之經

山海經

觀之者擅其博聞學

此二字一本倒刊

之者騁

其多識自漢氏拓境無國不賓則有筇竹傳節筍醬流

味大宛獻

一作輸

其善馬條支致其巨雀爰及魏晉迄於

周隋咸亦遐邇來王任土作貢異物歸於計吏奇名顯

於職方凡為國史者宜各撰方物志列於食貨之首釋

此節議補方物志與食貨類列

帝王苗裔公侯子孫餘慶所鍾百世無

絕能言吾祖郊子見師於孔公不識其先籍談取誚於

姬后故周撰世本式辨諸宗楚置三閭實掌王族逮乎

晚葉譜學尤煩用之於官可以品藻士庶施之於國可

以甄別華夷自劉曹受命雍豫為宅世胄相承子孫蕃

衍及永嘉東渡流寓揚越代氏南遷革夷從夏於是中

朝江左一作右南北混淆華壤邊民虜漢相雜隋有天下

文軌大同江外南魚陳氏山東東并高齊人物殷湊其間高門素

一作貴族非復一家郡正州曹舊作都世掌其任凡為國史

者宜各撰氏族志列於百官之下釋此節議補氏族志與百官類列蓋

自都邑以降氏族而往實為志者所宜先而諸史竟無其錄如休文宋籍廣以符瑞伯起魏篇加之釋老徒以不急為務曾何足云惟此數條粗加商略得失利害從

可知矣庶夫後來作者擇其善而行之釋

此總結三項之當補。此

下舊本另條非

或問曰予以都邑氏族方物宜各纂

一作續

次以

志名篇夫史之有志多憑舊說苟世無其錄則闕而不

編此都邑之流所以不果列志也釋

此總上三項設問見考證之難對

曰案帝王建國本無恒所作者記事亦在相時遠則漢

有三輔典近則隋有東都記

並記一統之都

於南則有宋南徐

州記晉宮闕名

記南朝

於北則有洛陽伽藍記鄴都故事

記北朝

蓋都邑之事盡在是矣

釋答言都邑有考

譜牒之作盛於

中古漢有趙岐三輔決錄晉有摯虞族姓

舊作族姓

記記一世

族

江左有兩王百家譜

記南族

中原有方思殿

疑當作選格北記

族

蓋氏族之事盡在是矣

釋答言氏族有考

自沈瑩著臨海水

土周處撰陽羨風土

舊作土風者舉其始作

厥類衆夥諒非一

族是以地理為書陸澄集而難盡水經加注酈元編而

不窮

總括續撰

蓋方物之事盡在是矣釋答言方物有考凡此諸書

代不乏作必聚而為志奚患無文譬夫涉海求魚登山

採木至於鱗介修短柯條巨細蓋在擇之而已苟為魚

人匠者何慮山海之貧罄哉釋結

言有考則取材不難但當擇而用之耳

按此為篇後餘論人形方言二項是設辭特假設以

決天文藝文之當除耳四者相衡洪纖雅俗學究能

辨之知幾顧為此戲論乎其後三說乃是商語然嘗

攷之都邑則畧具於地理非同輿服之無附方物則

雜出於外域豈比食貨之有經至如氏族一門自是

魏晉相沿四姓尚官之習而任子積輕後世尤不可

通行

獨魏書官氏志兼及氏族

知幾議論大率偏於枯尅不圖此

處忽生葛藤○所言雖不行於史家然後來漁仲貴

與諸人已被他爬動瘡處

爾雅釋物

按爾雅無釋物篇即謂釋草釋木釋蟲魚鳥獸等篇也

綴孫卿探孟軻

此四句宋書志序之文

劉向洪範

王訓故漢書云劉向集上古以來歷春秋六國至秦漢符瑞災異之記推跡行事著

其占驗比類相從各有條目凡十一篇號曰洪範五行傳論

七略

漢藝文志成帝時劉向校諸書輒條其篇目撮其旨意奏之向卒于歆卒父業於是總而奏其

七畧故有輯畧六藝畧諸子畧詩賦畧兵畧術數畧方技畧

許負相經

舊注孔衍漢春秋許負溫縣婦人裴松之云今東人呼母為負衍以許負為婦人如

有據藝文類序相術篇陶弘景劉孝標俱有許負相經序

揚雄方言

讀書志方言十三卷雄齊油素問上計孝廉典語悉集之題其首曰輜軒使者絕代

語釋列國方言

齊頌魏都

北齊文宣紀天保九年營三臺於鄴下因其舊基而高博之大起宮室改銅爵曰金

鳳金獸曰聖應冰井曰崇光帝
登三臺朝讌羣臣並命賦詩

代寫吳京

後魏孝文紀太和十七年幸洛陽定遷都之計詔司空經始洛邑南史崔祖思傳齊

武帝時魏使蔣少游至祖思從弟元祖曰少游有班倕之巧今來必模寫宮樣少游果圖畫而歸

王會

逸周書序周室既寧八方會同各以職來獻欲垂法厥後作王會

卬竹筍醬宛馬巨隹

並見史記大宛及漢書西域二傳

郗子

左傳昭十七郗子來朝公與之宴昭子問焉曰少皞氏鳥名官何故也郗子曰吾祖也我知之

我高祖少皞摯之立也鳳鳥適至故紀於鳥為鳥師而鳥名云云仲尼聞之見於郗子而學之

籍談

左傳昭十五晉荀躒如周籍談為介王曰諸侯皆有以鎮撫王室晉獨無有何也籍談對曰晉

欽定四庫全書

史通通考
卷三

二十一

居深山戎狄之與鄰而遠於王室拜戎不暇其何以
獻器王曰叔氏而忘諸乎唐叔成王之母弟也其反
無分乎且昔而高祖孫伯璽司晉之典籍故曰籍氏
及辛有之二子董之晉於是乎有董史女司典之後
也何故忘之籍談不能對賓出王
曰籍父其無後乎數典而忘其祖

世本

後漢班彪傳唐虞三代世有史官呂司典籍有
記錄黃帝呂來至春秋時帝王公侯卿大夫號

曰世本一
十五篇

三閭

王逸離騷注屈原與楚同姓仕於懷王為三閭
大夫三閭之職掌王族三姓曰昭屈景屈原序

其譜屬以
屬國士

符瑞釋老

沈約宋書志四十卷其五行志之前有符
瑞志三卷魏收魏書志三十卷其末曰釋

老志

漢三輔典

按隋唐二志俱無三輔典之名疑即謂三輔黃圖也漢人撰亡撰人名其書所載皆

都城宮苑辟廱明堂宗廟郊社庫廩橋陵之屬與所引正合

隋東都記

隋唐二志皆不載通志略載有東都記三十卷鄭世隆撰未審即是否

宋南徐州記

唐志地理類山謙之南徐州記二卷

晉宮闕名

按此指東晉者隋唐二志亦不載

洛陽伽藍記

讀書志記三卷元魏羊銜之撰魏遷都洛陽一時王公大人多造佛寺或舍其

私第為之故僧舍多為天下寂街之載其本末及事跡甚備書錄解題以爾朱之亂城廓丘墟追述斯記

鄴都故事

無考黃補注唐志有馬溫鄴都故事二卷按注云肅代時人其書後出非劉所云

三輔決錄

後漢趙岐傳岐字邠卿初名嘉字臺卿拜太常著三輔決錄自序云三輔本雍州地

世世徙公卿吏二千石及高貴者以陪諸陵五方雜會非一國之風其士貴於名行其俗失則趨勢進權余嘗夢黃髮之士姓玄名明字子真與余寤言善惡之間無所依違命操筆者書之從建武至於斯玉石朱紫由此定矣故謂之決錄矣

摯虞族姓

晉書摯虞傳虞字仲洽太子舍人以漢末喪亂譜傳多亡失雖其子孫不能言其先

祖撰族姓昭穆十卷上疏進之以為足以備物致用廣多聞之益

兩王譜

隋志譜系類百家集譜十卷王儉撰百家譜三十卷百家譜集鈔十五卷並王僧孺撰

方思選格

唐志譜牒類後魏方思格一卷又柳冲傳魏太和時詔諸郡中正各列本土姓族次

第為舉選格
名曰方思格

臨海水土

唐書地理類沈瑩臨海水土異物志一卷按志曰夷州在臨海東南去郡二千里地

無霜雪草木不死四面山谿人皆髡髮穿耳女人不穿耳地有銅鐵唯摩磧青石以作弓矢

陽羨風土

晉書周處傳處字子隱陽羨人少孤馳騁恣肆州曲患之曰三害未除處曰何為也

曰南山白額獸長橋下蛟并子為三矣曰吾能除之乃入山殺猛獸投水殺蛟而入吳尋二陸學入洛以

身殉國贈平西將軍著默語及風土記并撰集吳書隋志風土記三卷

地里書

南齊陸澄傳澄字彥深王儉戲之曰陸公書廚也撰地里書死後乃出隋志地里書一百

四十九卷錄一卷陸澄合山海經以來一百六十家以此書

水經注

後魏書志水經漢桑欽撰成帝時人水經三卷

元字善長范陽人御
史中尉關右大使

史通通釋卷三

欽定四庫全書

史通通釋卷四

無錫浦起龍撰

內篇

論贊

第九。論謂篇末論辭贊謂論後韻語

春秋左氏傳每有發論假君子以稱之二傳云公羊子穀梁子史記云太史公既而班固曰贊舊作讚荀悅曰論

東觀曰序謝承曰詮陳壽曰評王隱曰議何法盛曰述

揚雄曰譔

句末的詳注中

劉昫曰奏袁宏裴子野自顯姓名皇

甫謚葛洪列其所號

玄晏先生
抱朴子

史官所撰通稱史臣其

名萬殊其義一揆必取便於時者則總歸論贊

舊譌作著

焉

一脫贊字釋首撮史傳之論贊

一無焉字釋異名為發議總案

夫論者

一失此三字

釋此下

史論

所以辯疑惑釋凝滯若愚智共了固無俟商榷正明

君子曰者其義實在於斯

謂非每傳皆有

司馬遷始

或譌作殆

限以

篇終各書一論必理有非要則強生其文史論之煩實

萌於此

篇必有論自史記始

夫擬春秋成史持論尤

當從猶義

宜濶略

其有本無疑事輒設論以裁之此皆私徇筆端苟銜文

彩嘉辭美句寄諸簡冊豈知史書之大體載削之指歸

者哉釋

此推史論成例始自史記非理所必需也

必尋其得失考其異同子

長淡泊

一作薄

無味承祚

一作懦

緩不切賢才間出隔世

同科孟堅辭惟溫雅理多愜當其尤美者有典誥之風

翩翩奕奕良可詠也仲豫

荀悅字

義理雖長失在繇富自

茲以降流宕忘返大抵皆華多於實理少於文鼓其雄

辭誇其儷事必擇其善者則干寶范曄裴子野是其最

也沈約臧榮緒蕭子顯抑其次也

就繇儷中所取如

此非以為準的也孫

欽定四庫全書

史通通釋
卷四

二

安國都無足採習鑿齒時有可觀若袁彥伯

宏字

之務飾

玄言謝靈運之虛張高論王卮無當曾何足云王卽志

在簡直言兼鄙野苟得其理遂忘其文觀過知仁

一作人

斯之謂矣大唐修晉書作者皆當代詞人遠棄史班近

宗徐庾夫以飾彼輕薄之句而編為史籍之文無異加

粉黛於壯夫服綺紈於高士者矣

此節就諸論品其高下大意謂宜尚

典實無取浮靡

史之有論也蓋欲事無重出

謂補傳所無

文省

舊作文

下同可知

謂單詞已足

如太史公曰觀張良貌如美婦人

舊有耳字

項羽重瞳豈舜苗裔此則別加他語以補書中所謂事

無重出者也又如班固贊曰石建之浣衣此句舊作萬石君之為父

浣衣非君子非之楊王孫裸葬賢於秦始皇遠矣此則片

言如約而諸義甚備所謂文省可知者舊脫釋事無重者字釋出文省

可知是為史論上乘準的在此及後來贊語之作多錄紀傳之言其有

所異唯加文飾而已至於甚者則天子操行具諸紀末

繼以論曰接武前修紀論不殊徒為再列釋此翻轉言失之複與

支者後史大率然也上馬遷自一無序傳後歷寫諸言論下言贊此處分截

欽定四庫全書

史通通釋
卷四

三

篇各叙其意

在自序之後
文仍散體

既而班固變為詩體號之曰

述

在叙傳之後
文皆四言

范曄改彼述名呼之以贊尋述贊為例

篇有一章

分綴自
此始

事多者則約之

一有以
字下同

使少理寡

一作

小者則張之令大名實多爽詳略不同且欲觀人之善

惡史之褒貶蓋無假於此也

一無釋此節遞到史贊然
也字釋亦是發議之素

固之總述合在一篇使其條貫有序歷然可閱蔚宗後

書實同班氏乃各附本事書於卷末篇目相離斷絕失

次而後生作者不悟其非如蕭

顯子

李百

南北齊

舊脫

齊字

史

大唐新修晉史皆依范書誤本篇終有贊夫每卷立論其煩已多而嗣論以贊為黷彌甚亦猶文士製碑序終而續以銘曰釋氏演法義盡而宣以偈言苟撰史若斯

難以議夫簡要者矣

釋此節摘諸史之加贊者言之論而又贊尤非史家貴潔之體也

至若與奪乖宜是非失中如班固之深排賈誼范曄之虛美隗囂陳壽謂諸葛不運管蕭魏收稱爾朱可方伊

霍或言傷其實或擬非其倫必備加擊難則五車難盡

故略陳梗槩一言以蔽之釋

更以議論乖違者作收局

按是篇不分編年紀傳仍是紀傳為多論贊二字截講其於論也辭嚴而不損於論後之贊則辭決而加絕自是唐後諸史有論無贊皆陰奉其誠可知劉說之當理也○子長淡泊無味蓋對限篇書論非要強文為言觀事無重出文省可知八字三昧仍首馬次班也○又因此知紀傳跋尾當名史論不當云贊贊銘類也韻體也人以扶風史論皆作贊曰遂因之必也正名宜與讀此○元史紀傳不綴論贊其凡例述

勅旨云據事具文善惡自見也

謝承

吳志妃嬪傳吳主權謝夫人弟也隋經籍志後漢書一百三十卷無帝紀吳武陵太守謝承撰

楊雄

法言其目云撰學行撰吾子撰修身撰問道撰問神撰問明撰寡見撰五百撰先知撰重黎撰

淵騫撰君子撰孝至按撰自第一至第十三其上皆有四言序然非論贊體也華陽國志則以撰曰為論贊揚雄當作常璩

劉昞

北史劉昞明燉煌人涼武昭王徵為儒林祭酒著三史略記八十四卷燉煌實錄二十卷按昞

明昞字也北史諱唐嫌名以字行

袁宏

撰後漢紀詳見外篇正史篇

列其所號

晉書皇甫謐傳謐字士安安定人沈靜寡慾自號玄晏先生撰帝王世紀年歷高士

逸士列女等傳玄晏春秋並重於世摯虞其門人也葛洪傳洪字稚川句容人從祖玄得仙號葛仙公洪悉得其法干寶薦洪領著作洪固辭求為句漏令曰非欲為榮以有丹耳自號抱朴子因以名書所著神仙良吏集異等傳金匱時後方篇章富於班馬

臧榮緒

撰晉書詳見外篇正史篇

孫安國

晉書孫盛傳盛字安國太原人十歲避難渡江及長善言名理補長沙太守遷秘書監著

魏氏春秋晉陽秋按宋書州郡志晉簡文鄭太后諱春改春曰陽是知凡曰陽秋本皆春秋也

習鑿齒

晉書鑿齒字彥威為滎陽太守在郡著漢晉春秋起漢光武終晉愍帝具言謂三國時蜀

以宗室為正魏雖受漢禪晉尚為篡逆至文帝平蜀
乃為漢亡而晉始興焉引世祖諱矣興為禪受以明
天心不可以勢力強也按矣興謂繼漢而
興禪受者禪為蜀後主諱謂受漢禪也

謝靈運

宋書靈運性奢華世稱謝康樂太祖登祚徵
為秘書使撰晉氏一代書粗立條流書竟不

就

玉卮無當

韓非外儲右千金之玉卮通而無當不
可以盛水有瓦器而不漏可以盛酒

唐修晉書皆詞人

舊唐房玄齡傳史官多文詠之士
好採碑事競為綺豔詳正史篇晉

史節

浣衣裸葬

漢書萬石傳建老白首謁親入子舍竊問
侍者取親中帶廁踰身自澣洒贊曰至石

欽定四庫全書

史通通義
卷四

建之漸衣周仁為垢汙君子譏之楊王孫傳病且終先令其子曰吾欲贏葬呂反吾真必無易吾意贊曰昔仲尼稱不得中行則思狂狷觀楊王孫之志賢於秦始皇遠矣

班排賈誼

漢書本傳贊欲改定制以漢為土德色上黃數用五及欲試屬國施五餌三表以

繫單于其術固以疏矣按表餌之術實疏班論非過

范美隗器

後漢書本傳論若器命會符運敵非天力雖坐論西伯豈多嗤乎贊公孫習吏隗王

得士

壽謂諸葛

蜀志本傳贊評曰諸葛亮之為相國也可謂識治之良才管蕭之亞匹矣然連年動

衆未能成功蓋應變將略非其所長與

收稱爾朱

魏書爾朱榮傳史臣曰苟非榮之尅夷大難不知幾人稱帝幾人稱王功烈亦已茂

乎向使榮無堅忍之失修德義之風則韓彭伊霍夫何足數北史魏收傳收以高氏出自爾朱且納榮子

金故減其惡而增其善

序例第十

孔安國有云序者所以叙

一作序

作者之意也竊以書列

典謨詩含比興若不先叙其意難以曲得其情故每篇

有序敷暢厥義

即書序詩小序

降逮史漢以記事為宗至於表

志雜傳亦時復立序文兼史體狀若子書然可與誥誓

相叅風雅齊列矣

釋首

言序之為道主於序明篇指馬班有作猶存經序之遺

迨華

嶠後漢多同班氏如劉平江革等傳其序先言孝道次

述

一作

毛義養親此則前漢王貢傳體其篇以四皓為

始也嶠言辭簡質叙致溫雅味其宗旨亦孟堅之亞歟

釋

班後節取一篇以示學班之準

爰洎范曄始革其流遺棄史才矜銜

文彩後來所作他皆若斯於是遷固之道忽諸微婉之

風替矣

釋此言繇繹是尚自范而開

若乃后妃列女文苑儒林凡此

之流范氏莫不列序夫前史所有而我書獨無世之作

者以為恥愧故上自晉宋下及陳隋每書必序課成其

數蓋為史之道以古傳今古既有之今何為者濫觴肇

迹容或可觀累屋重架無乃太甚譬夫

一作如

方朔始為

客難續以賓戲

班固作

解嘲

揚雄作

枚乘首唱七發加以七

章七辯音辭雖異旨趣皆同此乃讀者所厭聞老生之

恒說也釋

此言後史宗范為課相習成套數見無奇矣。已上止就篇序言

夫史之有

例猶國之有法國

一有之字下同

無法則上下靡定史無例則

是非莫準釋

此下言史例

昔夫子修經始發凡例左氏立傳

顯其區域科條一辨彪炳可觀降及戰國迄乎有晉年

踰五百史不乏才雖其體屢變而斯文終絕釋之此言例

左後中絕唯令升干寶先覺速述立明重立凡例勒成晉紀

鄧粲孫盛已下述一作述躡其蹤史例中興於斯為盛若

沈宋沈約之志序蕭齊子顯之序錄雖皆以序為名其

實例也釋此言例之為必定其臧否徵其善惡干寶范

曄理切而多功鄧粲道鸞詞煩而寡要子顯雖文傷寒

蹟而義甚優長斯一二家皆序例之美者釋數語括一

時各見之

短長要皆自出條理者 夫事不師古匪說攸聞苟模楷曩賢理非

可諱而魏收作例全取蔚宗貪天之功以為己力異夫

范依叔一作駿華嶠班習子長攘袂公行不豈不陷穿

窬之罪也釋至魏收竟以剽掠為能風斯下矣 盖凡例既立當與紀傳

相符釋此下乃按案皇舊作唐非朝晉書例云凡天子廟號

唯書於卷末依檢孝武崩後竟不言廟曰烈宗釋文不準例

者又案百藥齊書例云人有本字行者今並書其名依

檢如高慎斛律光之徒多所仍舊謂之仲密明月釋文不

準例又一

此並非言之難行之難也

釋二句

又及

一作

晉齊史

例皆云坤道卑柔中宮不可為紀

今一作

編同列傳以

戒牝雞之晨竊惟錄皇后者既為傳體自不可加以紀

名二史之以后為傳雖云允愜而解釋非理成其偶中

所謂畫蛇而加足反失杯中之酒也

釋此

又指出例合而序誤者謂后

從帝年故不稱紀序乃取義卑柔失命名之意矣

至於題目失據褒貶多違斯

並散在諸篇此可得而略矣

按此所謂序皆篇序非總序其所謂例則兼序中附

出之例及總立發凡之例大指謂序貴簡質例貴嚴明也中間雖帶引左氏其實皆言紀傳家○後幅皇
后一條當從前卷本紀列傳兩篇入解不爾不明

劉江王貢

注見列傳篇其處止舉傳首劉王不及江貢後漢書江革字次翁臨淄人客下邳裸

跣行傭以供母鄉里稱之曰江巨孝建初中拜諫議大夫前漢書貢禹字少翁瑯琊人呂明經潔行著聞徵為博士後為御史大夫數言得失按

劉江傳

篇叙注云以上並華嶠之詞

濫觴

家語三怨江始出於岷山其源可以濫觴王肅注觴可以盛酒言其微也按濫觴謂始出之微

後人多誤用

七

文選七發注猶楚辭七諫之流按文心雕龍自七

厲陳思七啟仲宣七釋桓麟七說左思七諷枝附影

從十有餘家又文苑英華有七契七勵七召又舊注

廣列七謨七證七華七繹七引以及興疑蠲舉諸

名而獨無七章侯考又按崔瑗傳名七蘇非七鴈

夫子修經凡例

左傳成十四春秋之稱微而顯志而

非聖人誰能修之杜氏

序為例之情有五是也

鄧粲

晉書本傳鄧粲長沙人以高潔著名著元明紀

道鸞

南史文學檀超傳超叔父道鸞字萬

安國子博士永嘉太守撰續晉陽秋

不言烈宗

晉書孝武紀太元二十年時張貴人有寵

年幾三十帝戲之曰汝以年當廢矣貴人

潛怒向夕帝醉遂暴崩按紀求缺
書廟號通鑑題烈宗孝武皇帝

仲密明月

仲密高慎字明月斛律光字按百藥齋書
高慎附見兄高乾傳中斛律光在其父斛

律金傳後二人皆無以字行之文傳內亦不書字其
書字處問於他傳有之無甚不準例之病史通似誤

畫蛇

戰國策楚有祠者賜其舍人卮酒舍人相謂曰
請畫地為蛇先成者飲酒一人蛇先成乃左手

持卮右手畫蛇曰蛇固無足遂飲其酒
奪其卮曰蛇固無足遂飲其酒

題目

第十一。題目有二義一謂
全書統名一謂篇帙諸名

上古之書有三墳五典八索九丘其次有春秋尚書禱

机志

如志曰喪祭乘釋前半就統名立說。自漢已下
從先祖之志首言古自成其古名

其流漸鯨大抵史名多以書記紀畧為主後生祖述各從所好沿革相因循環遞習蓋區域有限莫踰於此焉

釋

言書記紀畧四者是為後史正名

至孫盛有魏氏春秋孔衍有漢魏

一

脫魏字一誤作隋

尚書陳壽王劭曰志何之元劉璠曰典此又

好竒厭俗習舊捐新雖得稽古之宜未達從時之義釋

擬古求異皆可不必已上羅列名目得失並舉

權而論之其編年月一多字者

謂之紀

荀爽漢紀之類

列紀

或作記非

傳者謂之書

前後漢書之類

取順於

時斯為最也夫名以定體為實之賓苟失其途有乖至

理案呂陸二氏

呂不韋
陸賈

各著一書唯次篇章不繫時月

此乃子書雜記而皆號曰春秋魚豢姚察著魏梁二史

巨細畢載蕪累甚多而俱勝之以略考名責實奚其爽

一作喪

歟釋

此總上言二體唯荀班所名為正餘皆強名而失其實者。自五代而後紀傳總名為史

編年則本名長編錫名通鑑就中又翔綱目矣。○論統名止此

若乃史傳雜篇區分類

聚隨事立號諒無恒規釋

此下析言篇帙諸名

如馬遷撰皇后傳

而以外戚命章案外戚憑皇后以得名猶宗室因天子

而顯稱若編皇后而曰外戚傳則書天子而曰宗室紀

欽定四庫全書

史通通義
卷四

可乎釋

史遷篇題之失有然

班固撰人表以古今為目尋其所載

也皆自秦而往非漢之事古誠有之今則安在釋

班史篇題

之失有然

子長史記別叙八書孟堅既以漢為書不可更標

書號改書為志義在互文而何氏中興

晉中興書

易志為記

此則貴於革舊未見其能取新釋

何法盛改易快名亦屬無謂

夫戰

爭方殷雄雌未決則有不奉正朔自相君長必國史為

傳宜別立科條至如陳項諸雄寄編

一作篇

漢籍董袁羣

賊附列魏志既同臣子之例孰辨彼此之殊唯東觀以

平林下江諸人列為載記顧

一作賴非

後來作者莫之遵效

逮新晉

晉書唐初新定故曰新晉

始以十六國主持

一作特

載記表名

可謂擇善而行巧於師古者矣

此言非國朝臣當從新晉書用東觀載記

例之觀夫舊史列傳題卷靡恒文少者則具出姓名若司

馬相如東方朔是也字煩者唯書姓氏若毋將蓋陳衛

諸葛傳是也必人多而姓同者則結定其數若二袁四

張二公孫傳是也如此標格足為詳審釋

此言列傳人少人多題可

隨之詳略引起下文

至范曄舉例始全錄姓名歷短行於卷中叢

細字於標外其子孫附出者注於祖先之下乃類俗之

文案孔目藥草經方煩碎之至孰過於此竊一作切以周

易六爻義存象內春秋萬國事具傳中讀者研尋篇終

自曉何必開帙解帶便令昭然滿目也釋范史則務盡其詳矣自

茲已降多師蔚宗魏收因之則又甚矣其有魏世隣國

編於魏史者於其人姓名之上又列之以邦域申之以

職官至如江東帝主舊譌王則云僭晉司馬叡島夷劉裕

河西酋長則云私署一譌置涼州牧張寶私署涼王李嵩

並見魏書目錄

此皆篇中所具又於卷首具列必如收意使其

撰兩漢書三國志題諸盜賊傳亦當云僭西楚霸王一脫

此二字項羽偽寧朔王隗囂自餘陳涉張步劉璋袁術其

位號皆一一別作具言無所不盡者一無釋魏收更

隣多綴名目尤可嗤也蓋法令滋章古人所慎若范魏之裁篇目

可謂滋章之甚者乎苟忘彼大體好茲小數難與議夫

婉而成章一字以為褒貶者矣釋自觀夫舊史列傳至此通為一大節以此

數語總結之

按此亦截講格前論統名兼二體言後論篇帙題名
專主紀傳體言就中列傳名類煩多分條抽論尤所
加意○假號不臣都歸載記史通殊有理據但陳項
輩流於勝國為寇於興代則非擬諸劉石未便同科
况載記例載卷終而羣雄先事發難為我驅除列之
傳首於分非越故李密王世充韓林兒徐壽輝等唐
書明史並襲蘭臺不宗東觀也讀者於此宜審從違
又柳州有言每讀古人一傳數紙已後再三申卷復

觀姓氏旋又廢夫鈍器正多患此題目加詳宜勿深責也自餘皆定判矣。此上八篇大抵多就紀傳體抽論可以都為一帙。後有序傳篇在第九卷方以類聚亦應移置於此

何之元劉璠

何之元撰梁典見左傳家周書劉璠字寶義世宗初掌綸誥著梁典三十卷

魚豢

外篇正史篇魏時京兆魚豢私撰魏略事志明帝唐志雜史類魚豢魏略五十卷按三國魏志

無傳

姚察

陳書察字伯審有至性領著作撰梁陳史未畢功隋開皇時遣內史舍人虞世基索本且進上

有所闕者臨亡之時以體例誠約子思廉博訪續撰按史無梁略之名而劉氏云爾定是察藁初名

外戚命章

按史記之立外戚世家其中所載實皆后妃氏諱及其事蹟至如魏其武安之屬反

別立傳不以外戚名篇最為非體班史因之易名外戚列傳置在臣傳之後尤為失之文亦應加并糾班

失之語

平林下江

後漢劉玄傳王莽末新市人王匡王鳳為渠帥諸亡命馮武王常成丹等從之藏於

綠林中地皇三年大疫分散常丹西入南陽號新市兵匡鳳武及其支黨朱鮪張卬北入南陽號新市兵

平林人陳牧廖湛復聚眾號平林兵以應之

斷限 第十二

夫書之立約其來尚矣如尼父之定虞書也以舜為始

而云粵若稽古帝堯丘明之傳魯史也以隱為先而云

惠公元妃孟子此皆正其疆里開其首端因有沿革遂

相交乎事勢當然非為濫軼也釋篇首標義言代有定限但交關處須相涉

耳過此已往可謂狂簡不知所裁者焉釋二句夫一作轉局又

子曰不在其位不謀其政若漢書之立表志班傳除沿襲史記二

三篇外皆無越限故單言表志其殆侵官離局或作局者乎釋提出漢書斷限不清

來斷代自班始故首及之考其濫觴所出起於司馬氏案馬記以史

制名班書持漢標目史記者載數千年之事無所不容

漢書者紀十二帝之時有限斯極固既分遷之記判其

去取紀傳所存唯留漢日

或作目非

表志所錄乃盡犧年舉

一反三豈宜

或作不誤

若是膠柱調瑟不亦謬歟

釋東班書引後史

但固之踳駁既往不諫而後之作者咸習其迷

一作途

宋

史則上括魏朝

曹魏

隋書則仰苞梁代求其所書之事得

十一於千百一成其例莫之敢移永言其理可為歎息

釋

此言宋隋二志越限之非雖所侵無幾而例已不清矣。當與正史篇互參此議彼叙此論限彼原史也

而彼篇舉隋不舉宋合此可知史志無缺當魏武乘時撥亂電掃羣雄鋒鏑

之一一無之字下同所交網羅之所及者蓋唯二袁劉劉表呂而已

若一作至舊進鳩行弑燃臍就戮總關王室謂漢不涉霸

圖謂曹而陳壽國志引居傳首夫漢之一有有字下同董卓猶秦

之趙高昔車令中車府令之誅既不列於漢史何太師卓自為太

師之斃遂獨刊於魏書乎兼復臧洪陶謙劉虞孫公瓚

生於季末自相吞噬其於曹氏也非唯理異犬牙固亦

事同風馬漢典所具而魏冊仍編豈非流宕忘歸迷而

不悟者也釋

此下就紀傳言董藏諸人魏志皆闌入傳首是更不明斷限者也

亦有一

代之史上下相交若已見它記則無宜重述故子嬰降

沛其詳取驗於秦紀伯符

孫策字

死漢其事斷入於吳書

沈錄金行上羈劉主魏刊水運下列高王唯蜀與齊各

有國史越次而載孰曰攸宜釋

此指沈約魏收二書言晉連蜀漢魏連高齊猶

漢之前嬰後策耳約書無攷如收之推隆獻武似作齊紀者然雖不別立篇目可以越限律之矣

自五

胡稱制四海殊宅江左既承正朔斥彼魏胡

一作朝非胡無五胡

也言故氏羌有錄索虜成傳魏本出於邊裔竊亦自號真

君

魏太武元
太平真君

其史黨附本朝思欲凌駕

一作

前作遂乃

南龍典午

傳收
東晉北

吞諸偽

匈奴羯徒
河氏羌等

比於羣盜盡入傳

中但當有晉元明

二帝之時中原秦

氐苻
姚

趙

匈奴
劉石

之代並

前魏

元氏膜拜稽首自同臣妾

其時
尚微

而反列之於傳何厚

顏之甚邪又張

寔

李

諸姓據有涼蜀其於魏也校年

則前後不接論地則參商有殊何預魏氏而橫加編載

釋

此痛斥魏書越載東晉及十六國
也晚出稱尊跨壓往代徒增可醜

夫尚書者七經之

冠冕百氏之襟袖凡學者必先精此書次覽羣籍譬夫

行不由徑

作路字訓

非所聞焉修國史者若旁采異聞用成

博物斯則可矣如班書地理志首

舊有遂字

全寫禹貢一篇

降為後書持續前史蓋以水濟水床上施床徒有其煩

竟無其用豈非惑乎昔春秋諸國賦詩見意左氏所載

唯錄

舊有其字

章名如地理為書論自古風俗至於夏世宜

云禹貢已詳何必重述古文益其辭費也

釋

複駁漢志地理全寫

禹貢此更溢出斷限外矣故推類列後

若夷狄本系

四字截句舊作係非

種落所興

北貊起自淳維南蠻出於槃

亦作盤

瓠高句麗以鯢橋獲

濟吐谷渾因馬鬪徙居諸如此說

者一字多

求之歷代何書

不有而作之

之一無之字

者曾不知前撰已著

而一字多

後修宜輟

遂乃百世相傳一字無改蓋駢指在手不加力於千鈞

附贅居身非廣形於七尺為史之體有若於斯苟濫引

它事豐其部帙以此稱博異乎吾黨

之一有之字

所聞釋

此更推到

外域種系久載前史者後史不知裁限全錄舊文尤為駢贅也

陸士衡有云雖有愛而

必捐

語見文賦

善哉斯言可謂達作者之致矣夫能明彼斷

限定其折中歷選自古唯蕭子顯近諸然必謂都無其

累則吾未之

一無許也

按國史紀傳為正紀傳斷代為正劉子頻頻提闡是其截斷衆流句故首於史記外別立漢書家此於條目後亟綴斷限篇也向者極表班書今者首糾越限向以標法式今為辨封畛有相濟無相背也。評者云高紀不書子嬰魏書不序高歡未見其可此誤解也班書高紀顯帶子嬰劉非不見劉但謂不復為嬰立紀耳魏收銓叙獻武崇飾其詞非所施於臣子劉

氏以為幾同齊紀無復限制耳豈謂上下交涉處不
須及之耶又有以董卓臧陶皆非與操無因而譏劉
說為過者亦是誤解與前評正同盧循傳不入宋黃
巢傳不入梁詎曰踈脫

傳首董卓

按魏志本傳居臣傳之首所敘事實無一
語與魏武相及直至隗
迄承附傳之末

始有太祖乃迎天子都許之文是
卓傳於魏未有處也宜史通警之

臧陶劉孫

魏志臧洪傳洪字子源廣陵人太守張超
請洪為功曹董卓圖危社稷洪說超糾合

義兵解氣慷慨洪為東郡太守太祖圍張超於雍丘
洪徒跣從表紹請兵救超紹不聽超滅洪怨紹紹興

兵圍之生執洪毅之劉謙傳謙字恭祖丹陽人為徐州刺史刑政失和太祖征謙以糧少引軍還謙病死公孫瓚傳瓚字伯珪遼西人除遼東屬國長史遷涿令遼西烏丸立力居等叛瓚不能禦朝議以宗正劉虞為幽州牧丘力居等遣譯自歸瓚害虞有功稍相恨望天子遣段訓增虞邑督六州瓚誣虞欲稱尊號脅訓斬虞虞從事鮮于輔等欲報瓚袁紹又遣兵與輔合擊瓚瓚軍數敗乃為輕十重築京為樓其上紹志軍聞之瓚自殺按此諸人范史自應有傳魏志但於事有關涉處帶及數語足矣安用傳為

沈錄金行

注梁沈約傳著晉書百一十卷隋志晉史卓注梁有鄭忠晉書七卷沈約晉書一百一

十一卷使銑東晉新書七卷並亡晉五行志白者金行馬者周族文選陸士衡宣猷堂詩云黃暉既渝素靈承祐善注魏土德曰黃晉金行曰素程猗說石圖曰金者晉之行也

魏刊水運

魏謂魏收魏書律歷志以皇魏運水德所上几家共成一歷元起壬子律起黃鍾壬

子北方水之正位實符魏德

典午

蜀志譙周傳典午忽子月酉沒子典午謂司馬也

膜拜

穆天子傳膜拜而受注長跪拜也又注胡人禮佛交手稱南謨者即此

授年論地

甲子會紀晉惠帝之十一年流人李特據廣漢進攻成都十三年羅尚破李特斬之

子雄僭號稱成是後兄子班班弟期雄弟壽壽子勢桓溫入蜀勢降李氏亡實穆帝之三年又愍帝之二

年張軌為涼州牧卒時在州已十三年矣子寔嗣是為前涼嗣是寔弟茂寔子駿駿子重華華子耀靈靈

伯父祚靈弟玄靚至靚叔天錫降於秦前涼亡實孝武之四年按張李興滅並在魏道武末稱帝之前而

魏都平城人極東北所謂
按年不接論地有殊也

行不由徑

用列子語注
見雜說上篇

淳維

史記匈奴傳匈奴其先夏后氏之苗
裔也曰淳維漢書匈奴傳全錄其文

槃瓠

後漢南蠻傳昔高辛氏有犬戎之寇募能得犬
戎之將吳將軍頭者妻以少女時有畜狗名曰

槃瓠下合之後槃瓠逐衛人頭造關下乃吳將軍首
也帝不得已以女配槃瓠負而走入南山止石

室中生子六男六女因自相夫妻其後滋蔓號曰蠻
夷今長沙武陵蠻是也南史蠻傳亦云槃瓠種落路

史發揮伯益經云黃帝曾孫卞明生白犬是為蠻
祖白犬乃其子之名而應劭于寶范曄枝葉其說

鰲橋

魏書高句麗傳先祖朱蒙母河伯女夫餘王開
於室中為日所照孕生一卵母置暖處一男破

殺而出及長字之曰朱蒙朱蒙者善射也夫餘之臣謀殺之朱蒙東南走道過大水魚鱉並浮成橋得渡至紇升骨城居焉號曰高句麗因以為氏隋書高麗傳文略同

馬鬬

魏書吐谷渾傳遼東鮮卑涉歸一名奕洛韓有二子庶長曰吐谷渾少曰若洛鹿若洛鹿別為

慕容氏渾與鹿二部馬鬬相傷鹿怒渾曰馬畜也鬬在馬而怒及人邪乖別甚易今當去汝萬里之外按其文亦見宋書至唐編晉書復採用之

斷限

晉賈充傳朝廷議立晉書限斷荀勗謂宜以魏正始起年王璿欲引嘉平以下朝臣盡入晉史

賈謐請從泰初為斷事下三府議按限斷即斷限也二字見史傳始此

編次

第十三

昔尚書記言春秋記事以日月為遠近年世為前後用

使閱之者雁行魚貫皎然可尋釋

首借編年託起紀傳言其體本無越次可

置勿論也

至馬遷始錯綜成篇區分類聚班固踵武仍加祖

述於其間則有統體不一名目相違朱紫以之混淆冠

履於焉顛倒蓋可得而言者矣釋

紀傳則體例條分編次宜求整確矣此是

總摯尋子長之列傳也其所編者唯人而已矣至於龜策

異物不類肖形而輒與黔首同科俱謂之傳不其怪乎

且龜策所記全為志體向若與八書齊列而定以書名

庶幾物得其朋同聲相應者矣釋一條言史記龜策是志體宜歸書例不宜

入傳孟堅每一姓有傳多附出一作餘親一作諱觀其事跡

尤異者則分入它部故博陸去病昆弟非復一篇外戚

元后婦姑分為二錄至如元王高祖從弟交受封於楚至孫

戊而亡案其行事所載甚寡而能獨載疑當作成一卷者實

由向歆之助耳但交封漢始地啓列藩向居劉末職才

卿士昭穆既踈家國又別適使分楚王子孫於高惠之

世與荆高祖從父兄代當作趙並編析劉向父子於元成之

間與王

王吉京房

共列方於諸傳不亦類乎

釋

一條言班史附向歆

於楚元王傳代不相接封不相襲宜以類離立

又自古王室雖微天命未改故

臺名逃責

古通債

尚曰

一作書

周王君未繫頸且云秦國况

神璽在握火德猶存而居攝

王莽年

建年不編平紀之末

孺子主祭咸書莽傳之中遂令漢餘數歲湮沒無睹求

之正朔不亦厚誣釋

一條言莽元宜革而班史莽傳竟紀莽年其失甚矣

當漢氏

之中興也更始升壇改元寒暑三易世祖稱臣北面誠

節不虧既而兵敗長安祚歸高邑兄亡

亡謂失位

弟及歷數

相承作者乃抑聖公於傳內登文叔於紀首事等躋僖位先不啻夫東觀秉筆容或諂於當時後來所修理當

刊革者也

釋一條言後漢中興更始先建位號宜紀不宜傳范史因仍不改

蓋遂免爭

捷瞻烏靡定羣雄儲盜為我驅除是以史傳所分真偽有別陳勝項籍見編於高祖之後隗囂孫公述不列於

光武之前而陳壽蜀書首標二牧

謂益州牧即焉璋也

次列先主

以繼焉璋豈以蜀是偽朝遂乃不遵恒例但鵬鸞一也

何大小之異哉

釋一條言蜀志宜首紀先主而陳壽乃先以二牧比高光為違例矣

春

秋嗣子諒闇未踰年而廢者既不成君故不別加篇目
是以魯公十二惡視不預其流及秦之子嬰漢之昌邑
咸亦因胡亥而得紀附孝昭而獲聞而吳均齊春秋乃

以鬱林為紀事不師古何滋章之甚歟釋

一條言嗣代之不君者不

紀吳均紀鬱林可議

觀梁唐二朝撰齊隋兩史東昏

齊廢帝

猶在而

遽列和年煬帝未終而已編恭紀原其意旨豈不以和

為梁主所立恭乃唐氏所承所以黜永元

東昏元

而尊中

興和帝顯義寧

恭帝元

而隱大業

煬帝元

苟欲取悅當代遂

乃輕侮前朝行之一時庶叶權道播之千載寧一作未為

格言釋

一條言齊隋二史阿狗興朝於前代未造私擁立而沒舊君紀不以實也。此下或分章另起非

尋夫本紀所書資傳乃顯

一作列傳仍顯

表志異體不必

一作誤

不相涉舊史以表志之帙介於紀傳之間降及蔚宗肇

加釐革沈魏繼作相與因循

今止魏書志編傳後范沈二書後人易置矣既

而子顯齊書穎達隋史不依范例重遵班法蓋擇善而

行何有遠近聞義不徙是吾憂也釋

一條言紀傳相接緒閱為便表志不

妨次後史多不然。已上分糾失宜凡八條

若乃先黃老而後六經史後外

戚而先夷狄

漢書

老子與韓非並列

史記

賈誼將荀彘同編

魏志

孫弘弘公孫

傳讚宜居武宣

舊作宣武不合

紀末宗廟迭毀枉

入立成傳終

一作中並漢書

如斯舛謬不可勝紀今略其尤

甚者耳故不復一一而詳之釋

末復撮舉以概未盡者

按錯舉紀傳表志中離合收除諸義例比而論之苟

非大段創通邇能有此即事分撥○鬱林固昌邑之

續蕭鸞非博陸之倫而改元易歲亦與不盈月者有

別斥之紀外論似未安若更始之於光武其直鈞入

闕先王上軼重瞳建號書年下殊二牧升傳作紀非

瞽說也

其說漢已有之張平子曰更始居位光武為其部將然後即真宜以更始之號建於光武

之初也

○陳氏書錄解題謂范曄後漢書志借舊志注

補之其後紀傳孤行至本朝孫奭始議合之今觀蔚宗釐革之語知唐時舊本尚自合行但附置紀傳後耳不知何時析去再觀外篇正史篇云曄十志未成而死則此云蔚宗釐革者祇就現行范本指其位置如此勿泥作范自手定也陳氏說詳正史篇注○篇

尾公孫玄成傳議太板

逃責

帝王世紀赧王雖天子為諸侯所役逼負責於民無以得歸乃上臺避之故周人名曰逃責臺

祚歸高邑

光武帝紀光武北擊尤耒大槍五幡於元氏進至安次諸將議上尊號行至鄆彊華

自關中奉赤伏符曰劉秀發兵捕不道四夷雲集龍鬬野四七之際火為主羣臣因復秦受命之符光武於是設壇場於鄆南即皇帝位建元為建武改鄆為高邑

躋僖

左文二年秋大事於太廟躋僖公逆祀也君子以為失禮子雖齊聖不先父食故禹不先鯀湯

不先契文武不先不宓

惡視

左文十八文公二妃敬嬴生宣公敬嬴嬖而私事襄仲襄仲欲立之叔仲不可仲殺惡及視而

立宣公書曰子卒諱之也夫人姜氏歸於齊大歸也將行哭而過市曰天乎仲為不道殺嫡立庶杜注惡太子視其母弟夫人姜氏惡視之母出姜也

鬱林為紀

南齊書紀鬱林王世祖武帝皇太孫也即位改元隆昌暮月之間恣意淫亂鎮軍蕭

鸞定謀使蕭謐等領兵入宮與接出西弄殺之鸞即明帝

穎達隋史

通志略唐貞觀中詔諸臣分修五代史顏師古孔穎達撰次隋事

孫弘傳讚

按公孫弘傳讚是時漢興六十餘載海內艾安羣士嚮慕漢之得人於茲為盛因歷

舉公孫董兒等二十七人又云孝宣承統纂修洪業亦講論六藝招選茂異下復歷舉蕭梁丘夏侯等二

十四人一讚之中盛稱二世人才故曰宜居武宣紀末

玄成傳終

韋賢傳本始三年代蔡義為丞相子玄成字少翁永光中代于定國為丞相封侯故

國榮當世馬按本傳既畢歷述諸郡國所立太祖太宗世宗等廟罷毀詔議其文皆列侯中二千石博士等共議例當收載禮志中故曰枉入玄成傳終又按新唐書韋縚傳羅列一時朝士祭器喪服等議正仿法也

稱謂第十四

孔子曰唯名不可以假人又曰名不正則言不順

一衍云云

二必也正名乎是知名之折中君子所急况復列之篇

籍傳之不朽者邪昔夫子修春秋吳楚稱王而仍舊曰

子此則褒貶之大體爲前修之楷式也釋首引聖經爲慎重名稱之

證馬遷撰史記項羽僭盜而紀之曰王此則真僞莫分

爲後來所惑者也自茲已降訛謬相因名諱所施輕重

莫等至如更始中興漢室光武所臣雖事業不成而歷

數終在班范二史皆以劉玄爲目不其悞乎釋類舉二事皆旋

起旋減者其文從略古者二國爭盟晉楚並稱侯伯七雄力戰齊

秦俱曰帝王其間雖勝負有殊大小不類未聞勢窮者

即爲匹庶力屈者乃成寇賊也一脫也字至於近古則不然

當漢氏云亡天下鼎峙論王道則曹逆而劉順語國祚

則魏促而吳長但以地處函夏人傳正朔度長絜短魏

實居多二方之於上國

或作若方之於七國非

亦猶秦繆楚莊與

丈襄

比魏於晉宋

而並霸

原注蜀昭烈主可比秦繆公吳大帝可比楚莊王按以中原西東所

據之地為此

逮作者之書事也乃沒吳蜀號謚呼權備姓名

原注謂魚

方於魏邦懸隔頓爾懲惡勸善其義安歸釋

此論三國舊史之稱謂憑

地勢而蔑統祚最為顛倒

續以金行版蕩戎羯稱制

統言

胡五各有國家實同王者晉世臣子黨附君親嫉彼亂華

比諸羣盜此皆苟徇私忿忘夫至公自非坦懷愛憎無以定其得失至蕭方等始存諸國名謚僭帝者皆稱之以王此則趙猶人君

武靈王

加以主

一作王非

號杞用夷禮貶

同子爵變通其理事在合宜小道可觀見於蕭氏者矣

釋

此論晉淪中夏諸戎迭興作史者準胡服用夷之趙杞存其國諡可也而竟等佳符亦非得實

古者

天子廟號祖有功而宗有德始自三代迄於兩漢名實

相允今古共傳降及曹氏祖名多濫必無慙德

猶言必欲加之

其唯武王

謂廟號止可及操

故陳壽國志獨呼武曰祖至於文

明但稱帝而已自晉已還竊號者非一如成舊作穆兩

帝劉蕭二明

或作朝誤

梁簡文兄弟

原注兼言孝元帝也

齊北齊武成昆

季

原注兼文宣孝昭也

斯或承家之僻王或亡國之庸主不謚靈

繆為幸已多猶曰祖宗孰云其可而史臣載削曾無辨

明每有所書必存廟號何以申勸沮之義杜渝

一作倫濫

之源者乎釋

此論祖宗二字最為隆號相仍嗣世古又虛尊魏晉而下渝濫已極持論不磨

位乃人臣跡叅王者如周之宣父季歷晉之仲達師昭

追尊建名比諸天子可也必若當塗

曹所出宦官攜養

帝號徒加人望不愜故國志所錄無異匹夫應書其人

直云皇之祖考而已至如元氏

元

起於邊

一作沙

朔其君

乃一部之首長耳道武追崇所及凡二十八君自開闢

已來未之有也而魏書序紀

首卷篇名

襲其虛號生則

則一字

下謂之帝死則謂之崩何異沐猴而冠腐鼠稱璞者矣

釋此

論開國追尊號謚世數有紀世類必稽無若二魏之妄而過制者法在必斥○前節以廟號言此節以

謚號言勿混

夫歷觀自古稱謂不同緣情而作本無定準至

若諸侯無謚者戰國已上謂之今王天子見黜者漢魏

已後謂之少帝周衰有共和之相楚弑

舊作然

有邾敖之

主趙佗而曰尉佗英布而曰黥布豪傑則平林新市冠

賊則黃巾

鉅鹿張角

赤眉

琅邪樊崇等

園綺友朋共云四皓奮建

父子都稱萬石凡此諸名

今本失此四字

皆出

舊多於字

當代史臣

編錄無復張弛蓋取叶隨時不藉稽古及後來作者

一作

所頗慕

一作纂

斯流亦時採新名列

一作務

成篇題

原注音第

若

王晉

王隱晉書

之十士寒雋沈宋

沈約宋書

之二凶索虜即其事

也唯魏收遠不師古近非因俗自我作故無所憲章其

撰魏

魏一脫字

書也乃以平陽王為出帝

魏孝武西入關依宇文故

司馬

氏為僭晉桓劉已下通曰島夷夫以諂齊則輕抑關右

宇

黨魏則深誣江外

宋即晉

愛憎出於方寸與奪由其筆

端語必不經名惟駭物昔漢世原涉大修墳墓乃開道

立表署曰南陽阡欲以繼跡京兆齊聲曹尹

一作伊

而人

莫之肯從但云原氏阡而已故知事非允當難以遵行

如收之苟立詭名不依故實雖

一作謠

復刊諸竹帛終罕

一作靡

傳於諷誦也

釋

此論前史雖出名稱皆本當時口語筆之史乘正復多安若北魏之

指斥矯誣真成惡札矣抑又聞之帝王受命歷數相承雖舊君已

沒而致敬無改豈可等之凡庶便書之以名者乎近代

文章實同兒戲有天子而稱諱者若姬滿劉莊漢明帝之

類是也有匹夫而不名者若步兵彭澤之類是也史論

立言理當雅正如班述

班史名贊為述

之叙聖卿董也而曰董

公惟亮范贊之言季孟

隗

也至一

一諱止脫去

曰隗王得士習

談漢主則謂昭烈為玄德

原注習氏漢晉春秋以蜀為正統其編目叙事皆謂蜀先

主為昭烈皇帝至於裴引魏室則目文帝為曹丕夫以
論中語則呼為玄德

淫董亂

之臣忽

一作總

隱其諱正朔之后反一作乃呼其

名意好奇而輒為文逐韻而便作

原注班固哀紀述曰宛嬖董公惟亮天功

隗囂公孫述傳贊曰公孫習吏隗王得士按公功吏士皆逐韻也

用捨之道其例無恒

但近代為史通多此失上才猶且

一作其若是而況中庸

者乎今略舉一隅以存標格云爾

釋末言諱名書名尊卑分定作文作史

寬嚴法殊因約舉混稱用垂標準。此條附及

按篇內所詳凡五項一斤魚孫三國名備名權也一

辯志十六國直書為盜也一議晉後嗣世概加廟號

也一譏二魏開國追尊可笑也一鄙收書題目創名
賊見也其前後二條乃帶及之。承祚志蜀寔用紀
體二主皆不書名志吳則堅策以後仍書名斟酌權
宜愈於魚豢輩遠矣。傳曰至敬無文至文尚質禮
祖有功而宗有德古之制也漢不虛尊晉加彌廣由
唐而來廟冠謚前遂為世典禮時為上母亦質文之
流於既溢者歟稱祖稱宗一節可作廟謚議懸之冊
府

蕭方等

清唐二志蕭方三十國春秋三十卷按二志誤削等字辯詳雜說中篇

趙君主號

甲子會紀周顯王之季韓燕皆稱王趙武靈獨不肯今人謂已曰君報王時趙武靈

胡服招騎射尋廢其太子章而傳位少子自號主父

杞夷子爵

事在左傳僖二十七年注見感經篇

成穆兩帝

晉成帝紀成皇帝諱衍明帝長子也廟號顯宗史臣曰成帝政出渭陽聲平威服凶

徒既縱神器臣曰危穆帝紀穆皇帝諱聃康帝子也廟號孝宗史臣曰孝宗因慙抱之姿用母氏之化中外

無事十有餘年按康帝史無廟號故舊本作康穆者非

劉蕭二明

南史宋明帝紀太祖明皇帝諱彧文帝第

以為私藏天下騷然宋氏之業自此衰矣齊明帝紀
高宗明皇帝諱鸞始安王道生之子也性猜忌亟行
誅戮簡於出入將南則說
言北皆不以實竟不南郊

當塗

史記建元以來侯後漢袁術傳讖書言代漢者當塗高

又獻帝時李雲言許昌氣見於當塗高象
魏者兩闕也當塗而高者魏魏當代漢

宦官攜養

袁紹討曹操檄司空曹操祖父騰故中常侍
與左悺徐璜並作妖孽父嵩乞匄攜養輸

貨權門竊盜鼎司傾覆重器操姦閭
遺魏本無令德保校鋒矢行亂樂禍

腐鼠稱璞

戰國秦策應侯曰鄭人謂玉未理者璞周
人謂鼠未腊者璞周人懷璞過鄭賈曰欲

買璞乎鄭賈曰欲
之出其璞乃鼠也

共和史記周本紀厲王出奔於彘周公召公二相行政號曰共和注正義共音巨用反漢書人表共

伯和師古注共國名也伯爵也和共伯之名也共音恭按是說本之汲冢紀年

邾敖疾左昭元年楚公子圍將聘於鄭未出竟聞王有疾而還入問王疾縊而弑之葬王於邾謂之邾

敖杜注邾敖楚子麋按麋史記楚世家作負音雲

十士寒雋按文與二凶索虜對舉亦列傳中之篇名也王隱晉書已亡無可考證

平陽王魏書帝紀出帝諱修封平陽王齊獻武奉王即帝位三年帝為斛斯椿等諂佞間阻貳於

齊託討蕭衍威暑徵發天下怪惡之七月遂出於長安十二月為宇文黑獺所害周文帝紀魏孝武帝將


圖齊神武詔太祖為大都督深仗太祖七月丁未遂從洛陽率輕騎入關太祖奉迎謁見東陽驛按以孝

武為出帝魏
牧目之云爾

原氏阡

漢遊俠傳原涉字巨先涉父哀帝時為南陽太守父死行喪冢廬初京兆尹曹氏葬茂陵

民謂其道為京兆阡涉慕之乃買地開道立表署曰南陽阡人不肯從謂之原氏阡按阡通阡



史通通釋卷四